

## Paerewa Paetae

<b>Aronga</b>	Hangarau 2.2		
<b>Ingoa</b>	Te whakatakoto tikanga hei whakaea i tētahi take hangarau motuhake		
<b>Kaupae</b>	2	<b>Whiwhinga</b>	4
		<b>Aromatawai</b>	Ā-roto
<b>Marau akoranga</b>	Te Marautanga o Aotearoa		
<b>Kokonga akoranga</b>	Hangarau		
<b>Mana rēhita</b>	Kua rēhitatia	<b>Te rā i mana ai</b>	19 Whiringa-ā-rangi 2015
<b>Te rā e arotakengia ai</b>	31 Hakihea 2018	<b>Te rā i puta ai</b>	19 Whiringa-ā-rangi 2015

### Te Hononga ki te Marautanga

I ahu mai tēnei paerewa paetae i te Taumata 7 o *Te Marautanga o Aotearoa*, i whakaputaina e Te Pou Taki Kōrero i te tau 2008.

### Whāinga Paetae

#### *Ngā Āhuatanga o te Hangarau*

- 2 *Kia mārama ki ngā pāpātanga ki ngā whakapono o te tangata.*  
 3 *Ka tūhura, ka tautohe i ngā painga ohaoha o ētahi otinga me te pānga ki:*
- *ngā whānau, hapū, iwi rānei;*
  - *ngā rohe, te motu, te ao whānui hoki.*

#### *Te Whakaharatau Hangarau*

- 4 *Ka arohaehae i ngā otinga whaiaro, ā ētahi atu hoki, kia ahu whakamua ai te mahi.*  
 6 *Ka kōwhiri i ngā whakatakotoranga kia tika ai te otinga.*

E hono ana ki te Papa Whakaako mō te Hangarau kei te pae tukutuku nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

### Te Hononga ki ngā Tikanga Aromatawai

Arā ngā Tikanga Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

**Paerewa Paetae**

<p><b>Paetae</b> Te whakatakoto tikanga hei whakaea i tētahi take hangarau motuhake.</p>	<p>Hei tohu i te paetae:</p> <ul style="list-style-type: none"> <li>• Ka kōwhiri, ka whakamahi hoki i ētahi tikanga hei whakaea i tētahi take hangarau motuhake.</li> <li>• Mā aua tikanga e puta ai tētahi hua hangarau.</li> </ul>
<p><b>Kaiaka</b> He kaiaka te whakatakoto tikanga hei whakaea i tētahi take hangarau motuhake.</p>	<p>Hei tohu i te kaiaka:</p> <ul style="list-style-type: none"> <li>• Mā aua tikanga e raupapa ai te putanga o tētahi hua hangarau.</li> </ul>
<p><b>Kairangi</b> He kairangi te whakatakoto tikanga hei whakaea i tētahi take hangarau motuhake.</p>	<p>Hei tohu i te kairangi:</p> <ul style="list-style-type: none"> <li>• Mā aua tikanga e nahanaha ai te putanga o tētahi hua hangarau.</li> </ul>

**Kōrero Āpiti**

1 E whai ake nei ngā whakamārama o ngā tino kupu, kīanga rānei:

whakaea	He kimi rongoā, he kimi ahunga whakamua, he kimi hua rānei e tutuki ai, e mārama ai rānei te take.
---------	--

tikanga	<ul style="list-style-type: none"> <li>• Te karakia, te ū ki ngā kawa o te marae, o te whare hoki.</li> <li>• Te tiaki i te tapu o te kōrero.</li> <li>• Te kōrero kanohi-ki-te-kanohi, arā, te āta pōhiri me te manaaki i te katoa o te hunga e whai pānga ana, te ngākau māhorahora ki ngā huatau maha ka puta me te whaimana o te katoa.</li> <li>• Te whakatakoto i ngā huatau kia nahanaha, arā, te ohia manomano, te whakakongakonga whakaaro, te wherawhera ariā, te whakarite rātaka, mahere ripanga, whakaaturanga, kohinga whakaahua, pātengi raraunga, aha atu.</li> <li>• Te āta pupuri i ngā kōrero ka puta kia mau, arā, mā te whakapukapuka, te whakakōnae, ā-kōpaki, ā-rorohiko rānei, te hopu ki te hopureo, ki te whitiata, ki te whakaahua rānei.</li> </ul>
take hangarau motuhake	He take hangarau e whai pānga ana ki te hapori, i tohungia rānei e te ākongā i runga i tana kite i te hira o te take ki te hapori.

- 2 Me takoto mai te take hangarau motuhake i roto i tētahi tauāki ka tohungia e te kaiako, e te ākongā rānei. Tērā e tīkina atu te tauāki i puta i te Paerewa Paetae Hangarau 2.1. Mā te kaiako anō e whakatau mēnā e pai ana te tauāki hei kawē i tēnei aromatawai. Kāore e aromatawaingia ngā āhuatanga mō te putanga o te tauāki i tēnei paerewa.
- 3 Koia nei ētahi momo horopaki e pai ana mō tēnei paerewa:
- Iron Māori (Tangata Maitai/Rangatahi Rino/Wiki Hākinakina)
  - Ngā tikanga hou mō te mahi hāngī
  - Te (whakamahinga o te) muka i roto i ngā mahi hangahanga
  - Te waka ama
  - Te hanga wharau
  - Te whakarite hui
  - Te tuhi pūmanawa rorohiko māmā

**Tātari Kounga**

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233